

KI SULEMANU



The history of King Solomon in Bokobaru as recorded in the books of the prophets, 1 Kings 1:1 - 11:13.

Adonia azīnda kana ki ũu

Gurɔɔ kɛ ki Dauda zikũ kotokoto, baa tó wà bisano kùàla, ãa ègɔ kpɛɛ à dɛɛmɛ. Ben à ibano bènɛ: Wa dii ki, ñ to wà nɔkpare wetenne, àgɔ zĩikɛenne àgɔ n gwaa, àgɔ daɛɛ n sae le ãa ton n de dɔro. Ben wà gàa wà kpaekè nɔkpare maaazi Isarailino busun pingi, ben wà bɔ Sunemu nɔgbɛ Abisagaa, wà à sè wà sùo kinanɛ. Nɔkpare pì né nɔ maaamɛ. Ègɔ kina gwaa àgɔ zĩikɛene, mɔde ki à dɔ nɔgbɛ ũro.

Dauda naɔ Agi né Adonia azīnda diɛ kè a ka, ben à bè ámbé é kible. Ben à sɔgorono sè kɔn sɔdeenɔ kɔn gɔgbɛ gɔɔn baplaa akuri kè aɔégɔ bàa lee wàgɔ teare aɛnɔ. À dee e kpākēzi ziki à be, à kè dia nɛɛ kɛɛ lɛero. Àpi sɔ né gɔ maaamɛ. Abusalomu bé à yɔ mì à kpàa. Ben à lɛdole kè kɔn Zeruya né Yoabuo kɔn sa'ori Abiatao, ben aɔ zèo. Mɔde sa'ori Zadɔki kɔn Yoyada né Benayao kɔn annabi Natāo kɔn Simeio kɔn Dauda gbɛnnano kɔn à dogarinɔ e zɛoro. Adonia saa'ò kɔn sãano kɔn zùnɔ kɔn zùne mekpanano Mlɛgbɛ kè ku Enlogeli saɛa. À a dǎaro kineno sisi í pingi kɔn Yuda kè aɔɔ de kina iba ũuno í pingi. Èe annabi Natā sisiro ke Benaya ke Dauda dogarino ke a zīnda dǎaro Sulemanu.

Ben Natā gàa à Sulemanu da Baseba là à bè: Née ma kè Agi né Adonia kiblè wa dii ki Dauda dɔna sairoo? Tò, ñ to mà lɛdamma sa lan né kɛ nà, ñ nɔzīnda misi kɔn n né Sulemanu pɔo. Ñ fɛɛ ñ gá ki Dauda le ñ benɛ, kè à ladanne yā à bè n né Sulemanu bé eé kible a gɛɛ ũ à vɛɛ a kpatan sɔ né? À kè dia Adonia gɔ ki ũu? Gurɔɔ kè í kpɛ nɛɛ yā'oone, mé gɛ mà yā'ikaara

se. Ben Baseba gaa à kina lè à kpen, guu kè Sunemu nɔgbě Abisaga e à gwaan. Ki sɔ zikũ. Baseba kùè à mipèenɛ, ben ki à là à bè: Bɔn ní yezi? À wèàla à bè: Ma dii, mbe ní sì mamɔma n zɔblerinɛ kɔn Dii n Luda tɔo, n bè ma né Sulemanu bé eé kible n gɛɛ ũ à vɛɛ n kpatan. Tia sɔ ma dii ki, Adonia bé à kè ki ũ, bensɔ ní à yā dɔro. À saa'ò kɔn zùnɔ kɔn zùne mekpanano kɔn sãano paripari, à n nenɔ sisi ní pingi kɔn sa'ori Abiatao kɔn zĩkpe dɔn'aede Yoabuo, mɔde èe n zɔbleri Sulemanu sisiro. Ma dii ki, mbe Isarailinɔ pingi sɔkpanzi, wà ma tó dé bé eé ke ki ũ n gben. Ma dii ki, tó n gaa n dezino kukiia, mapi kɔn ma né Sulemanuo, weégɔ wa gwaa taarideeno ũmɛ.

Kè à kpe èe yā'oo kɔn kinao, ben annabi Natā m̀. Wà ò kine kè annabi Natā ku kè. Ben Natā gè à kùe kinane à dàe a puua à bè: Ma dii ki, mbe n bè Adonia ke ki ũ à vɛɛ kpatan n gɛɛ ũo? Zaake à gaa à saa'ò gbãa kɔn zùnɔ kɔn zùne mekpanano kɔn sãano paripari. À n nenɔ sisi ní pingi kɔn n zĩkpe dɔn'aedeeo kɔn sa'ori Abiatao. Aɔɔe pɔbleeo, wèe imii tia, aɔɔe bee: Luda ki Adonia dɔ kɔn aafiao! Mɔde èe mamɔma n zɔbleri sisiro ke sa'ori Zadɔki ke Yoyada né Benaya ke n zɔbleri Sulemanu. Ma dii ki, ase le n kè lɛɛ, ben n gi gbě kè eé vɛɛ kpatan n gɛɛ ũu o wamɔwa n zɔblerinɔnɛziɔ?

Sulemanu kana ki ũ

Ben ki Dauda bè: À Baseba sisimɛ. Kè Baseba m̀ à gè, à m̀ à zè ki aɛ. Ben kina ladane à bè: Kɔn Dii kuunao! Àmɔ kè à ma bɔ nawěa pingi guu. Ladana kè má kènne kɔn Dii Isarailinɔ Luda

tɔo, ma bè n né Sulemanu bé eé kible ma gben à vɛɛ kpatan ma gɛɛ ũ, mé papa gbãa kãnkãmmɛ. Ben Baseba kùɛ à mipɛɛ tɔɔtɛ kinanɛ à bè: Ma dii ki Dauda, Luda n dɔ kɔn aafiao guro pingi!

Ben ki Dauda bè: À sa'ori Zadɔki sisimɛ kɔn annabi Natão kɔn Yoyada né Benayao. Kè aɔ mò kina kiia, à bènné: À ma ibanɔ kakɔa é ma né Sulemanu se à à di ma bãagãsɔa, é gáo Giɔ. Gwen sa'ori Zadɔki kɔn annabi Natão é nɔsi kua aɔ à ka Isarailinɔ ki ũ, é kuru pɛ à wiilɛ à be: Luda ki Sulemanu dɔ kɔn aafiao! Beee gbera é suo, eé vɛɛ kpatan àgɔ kiblee ma gben. Àmbe má diɛ Isarailinɔ kɔn Yudanɔ dɔn'aɛdee ũ. Ben Yoyada né Benaya bè kinanɛ: À kɛ lɛ! Dii n Luda n legbe si ma dii ki! Lan Dii kunyo nà ma dii ki, àgɔ ku kɔn Sulemanuo lɛ, à à kike se lezĩ de n póla se.

Ben sa'ori Zadɔki kɔn annabi Natão kɔn Yoyada né Benayao kɔn dogarinɔ gàa wà Sulemanu di ki Dauda bãagãsɔa, aɔ gàa zenɛ Giɔ. Ben sa'ori Zadɔki nɔsi tuu sɛ Dii kpɛn, à nɔsi pì kù Sulemanua. Ben wà kuu pè, baade pingi wiilè wà bè: Luda ki Sulemanu dɔ kɔn aafiao! Ben baade pingi bò wà tɛzi, aɔɔɛ suu aɔɔɛ gaasia pɛɛ, aɔɔɛ pɔnnaakeɛ maamaa ai tɔɔtɛ nìgã kii kè aɔɔɛ kɛɛ pì yãnzì.

Kè Adonia kɔn gbɛ kè à í sisinɔ pɔblè wà yãa, aɔɔɛ mɔɔ fɛɛ, ben aɔ kii pì mà. Kè Yoabu kuru'ɔ pì mà, ben à bè: Bó zɔka bé à dɔ wete guu lɛɛ? Èɛ yã pì o à yãaro, ben sa'ori Abiata né Yonatã gàa káo gɔɔ. Ben Adonia bè: N̄ gɛ. Gbɛ bɛɛdeen n ũ, mɛɛ sii baaru nnaan n suo. Ben Yonatã bè Adonianɛ: Lenlo! Wa dii ki Dauda Sulemanu kpà kpatan. À sa'ori Zadɔki kɔn annabi Natão kɔn

Yoyada né Benayao kǝn a dogarino gbàre aǝ gáo, ben aǝ gàa wà à dǝ kina bāagāsǝa. Ben sa'ori Zadǝki kǝn annabi Natāo nǝsi kùà aǝ à kà ki ũ zaa Giǝ. Kè aǝ bǝ gwe, aǝ sù kǝn pǝnnakenao, ben wete lǝgo. Kǝi kè á mǎn gwe. Baa diamε Sulemanu vǝε kpatan kǝ. Ben wa dii ki Dauda ibanǝ mǝ wà ikpàa se, aǝ bè Luda Sulemanu tǝbǝ dε à pǝla! Luda à kikeε gba gbāaa dε à pǝla! Ben Dauda minàε à dǝnzikè Diine a daεbǝa à bè: Wà Dii Isarailino Luda saabukpa, kè à tò ma weesì ma gǝε kana ki ũle gbāa.

Kè gbē kè Adonia í sisinoǝ mà le, ben aǝ laakari fǝε, baade a zé kǝ. Kè Adonia e vǝakeε Sulemanune yǎnzi, ben à fǝε à gàa à nà Dii gbāgbākiizi, à a koba kǝ. Ben wà bè Sulemanune: Adonia e vǝakeenne, à gàa à nà Dii gbāgbākiizi à à koba kǝna, èe bee ñ lada amǝa n zǝblerine gbāa, kè né a dero. Ben Sulemanu bè: Tó à azǝnda kǝna dǝ gbē maaa ũ, baa à mikā wen do eé leε tǝtǝero. Tó wà gà wà à zaa ke èa sǝ, à gāmε. Ben ki Sulemanu gbēno zǝ, aǝ Adonia gò Dii gbāgbākiia. Kè Adonia pǝ mǝ à kùene, ben Sulemanu bène: Ñ ta n be.

Dauda lǝdiena Sulemanune

Kè Dauda gaguroǝ kà kǝi, à lé diε a né Sulemanune à bè: Mée gaa anduna gbē pingi gakiia. Ñ ze gbāa, né nzǝnda ǝdǝa kè negǝgbēn n ũ! Ñgaegǝ Dii n Luda yǎno kǝna, négǝ te à zézi, négǝ à ǝdǝkii gwaa, négǝ à yǝdienano kǝna kǝn à dokayǎno kǝn à yǝ'onnenano, lan à ku Musa doka takadan nà, yǝ kè née keε pingi égǝ bǝo maa, n ta pingi égǝ nna. Len Dii é yǝ kè à òmεε papa le à bè, tó ma nenǝ í zǝnda kǝna dǝ bensǝ aǝo te ma zézi kǝn nǝseo do

kɔ̃n pɔ̃yezinao pingi, ma boriino éǵɔ̃ ṽēena Isarailino kpatan gurɔ̃ pingi.

Ŋ̃ yā kè Zeruya né Yoabu kèmm̃e dɔ̃, lan à Isaraili zĩkpe dɔ̃n'aede ǵɔ̃n plaaano dèd̃e nà, Ñe né Abana kɔ̃n Yeta né Amasao. À gb̃e pino dèd̃e, èe ke sɔ̃ zĩ gurɔ̃nlo. Aɔ̃ aru ǵɔ̃ à musu, à kù à asaaa kɔ̃n à kyateeno. Ŋ̃ yākeñe n ɔ̃ndɔ̃na len. Ŋ̃ton to à mikā purakū gbasa à dae miran yĩ guuro. Ŋ̃ gb̃ekeeke Giliada gb̃e Bazilai negɔ̃gb̃eñe. Ŋ̃ ñ die gb̃e kè éǵɔ̃ pɔ̃blee l̃edoonɔ̃ te, zaake aɔ̃mbe aɔ̃ z̃emaogurɔ̃ kè m̃e bàa sii n ṽĩ Abusalomune. Beyāmi bori Gera né Sim̃ei, Bahurimu gb̃e kunyo dɔ̃. À ma ka pās̃ipās̃i gurɔ̃ kè m̃e gaa Manaimu. Kè à mò à ma le Yodazi, má sine kɔ̃n Diio kè mé à dero. Baa kɔ̃n beeeo ñton à to pā w̃eetāmma sairo. Ŋ̃ ɔ̃ndɔ̃, ñ dɔ̃ dian né keñe nà à ga zegbān à ǵ̃e miran.

Ben Dauda ǵà. Yerusalemu faandi kè wà à ṽiin wè be Dauda wet̃e. À kè Isarailino ki ũ ai wè baplaa, ɛbl̃onu wè sw̃eɛplaa, Yerusalemu wè baaakuri aw̃e'eagɔ̃. Sulemanu ṽẽe a de gben bensɔ̃ à kpata kāsāa p̃ena.

Adonia gana

Agi né Adonia ǵà à Sulemanu da Baseba lè, ben Baseba à là à bè: Aafian n m̃ɔ̃? À wèàla à bè: Aafiam̃e! Adonia èara à bè: Má yā ṽi mà oñe. Baseba bè: Ŋ̃ o! Ben Adonia bè: Ŋ̃ dɔ̃ kè kpata né ma p̃ome yā. Isarailino w̃ẽe kuma ñ pingi mà ke ñ ki ũ, ben yā lĩe, ma dāaro bé à kpatablè, zaake Dii bé à à kà. Tia sa yā m̃en doon m̃e w̃eek̃emma, ñton gi kem̃eziro. Baseba bè: Ŋ̃ o! Ben à

bè: Ìn wẹẹkẹmẹ ki Sulemanua à Sunemu nọgbẹ Abisaga kpama nọọ ỹ, zaake eé gionnero. Baseba bènẹ: Tò, mé onenne.

Kẹ Baseba gaa à ki Sulemanu lẹ Adonia yā pì musu, ben kina pì fẹẹ à gaa à dààlẹ à kùenẹ, ben à ẹara à mò à vẹẹ a kiblekitan. Ben wà mò Basebanẹ kọn kiblekita pāndeọ, ben à vẹẹ ki ọplaazi. Baseba bè: Pọken má yezi mà wẹẹkemma, òton ma tẹro. Ben ki bè: Ìn wẹẹke Naa, mé n tẹro. Ben Baseba bè: Ìn to wà Sunemu nọgbẹ Abisaga kpa n vīi Adoniaa à à se nọọ ỹ. Ben ki Sulemanu a da là à bè: Bọyānzin nẹẹ Sunemu nọgbẹ Abisaga wẹẹkẹẹ Adonianẹzi? Ìn kpata wẹẹkenẹ gǔomẹeee! Zaake ma vīime. Nẹẹ kpata wẹẹkẹenẹ kọn sa'ori Abiataọ kọn Zeruya né Yoabuome. Ben ki Sulemanu sì kọn Diio à bè: Tó Adonia e kora a wēndizi yā kẹ à wẹẹkẹ kẹ yānzịro, Luda yākẹmẹ pāsīpāsī. Zaake Dii ma ka kpatan, à ma diẹ ma de Dauda gẹẹ ỹ, à ma borii gbà gbāaa lan à à lẹgbẹ nà, má sì kọn Diio Adonia é ga gbāame. Ben ki Sulemanu Yoyada né Benaya dà, à gaa à Adonia lẹ à dẹ.

Sulemanu pena Abiataa kọn Yoabu ganao

Kina bè sa'ori Abiatanẹ: Ìn ẹara ò ta n guun Anato. À kọsìọ ò game, mode mé n de tiaro, zaake mbe n Dii Luda akpati sẹ n dọọ ma de Daudanẹ aẹ, bensǔ n zẹọ à nawẹa pingi guu. Len Sulemanu pẹ Abiataa lẹ, à à bọ Dii gbāgbāna zīin, lẹ yā kẹ Dii ò Eli bẹdeenọ musu zaa Silo e à papa yānzị.

Kẹ Yoabu yā pì baaru mà, ben à baasì à gaa Dii bisakuta kiia, à nà Dii gbāgbākiizi à à koba kù. Yoabu zẹ kọn Adoniaomẹ yā, mode ẹẹ ze kọn Abusalomuoro. Wà ò ki Sulemanunẹ kẹ

Yoabu baalè à gàa Dii bisakuta kiia, à ku sa'okii pì sae, ben Sulemanu bè Yoyada né Benayane à gá à yāao gwe. Kè Benaya kà Dii bisakuta kiia, à bène: Kina bè n bɔ gwe! Ben Yoabu bè: Auo! Gura kèn mé gan. Ben Benaya gběno zĩ kinaa à bè: Lan Yoabu wèmala nàn ye. Ben kina bène: N kene lan à ò nà. N à de, né à vīi, le à gbědena pā yā ton wi mapi kōn ma de bēdeenɔ musuro. Dii é to à gbědena yā wi à musu, zaake à lèe taarisaide gōɔn plaaa kè aō maaa dealaanɔa. À Nee né Abana, Isaraili zĩkpe dɔn'aede kōn Yeta né Amasa, Yuda zĩkpe dɔn'aedeeo dède ma de lé sae. Aō dena yā égō wii Yoabu kōn a boriino musu guro pingi, mɔde Dii égō Dauda kōn a boriino kōn a uao kōn a kpatao gbaa aafia guro sānda pingia. Ben Yoyada né Benaya gàa à Yoabu lè à dè, ben wà à vīi a be zaa gbaan. Ben kina Yoyada né Benaya diè zĩkpe dɔn'aedee ũ Yoabu gben, sa'ori Zadoki sō, Abiata gben.

Simeĩ gana

Kina gběno zĩ aō Simeĩ sìsi, ben à bène: N bee bo Yerusalemu kè ngō kun. Nton bɔ bea kè n gá gukearo. Ngō dō sānsān zĩ kè n bikù Kidironua, n gan gwe. Mɔde mbe n nzīnda dè. Ben Simeĩ bè kine: Yā maaan ní ò ma dii ki. Mamoma n zɔbleri mé ke lan ní ò nà. Ben à ku Yerusalemu le ai à gikè.

Wè aagōo gbera Simeĩ zò gōɔn plaaano baasi wà tà Maaka né Akisi, Gata kina kiia, ben wà bè Simeine: N zɔnɔɔ ku Gata. Ben Simeĩ fèe à gàari yì a zaakine, à gàa Akisi kiia Gata a zò pìno wetè. Kè à ní é, ben à ní sɛe Gata à sùnyo. Ben wà ò Sulemanune, Simeĩ bɔ Yerusalemu à gàa Gata à èara à sù. Ben kina gběno zĩ aō

Simɛi sɛsiare, ben à bèɛ: Má tò ń sɛ kɔ̃n Diio, ben ma ledàmma ma bè, zĩ kè n bɔ kè n gaa gukea, ñgɔ̃ dɔ̃ kè n game. Ben ń bèmɛ, yã maaamɛ, ń mà. Boyãnzin n bɔ ladana kè ń kè kɔ̃n Dii tɔo kpɛɛzi kɔ̃n yã kè má dànnɛɛo? Ben kina èara à bèɛ dɔ: Yã zaaa kè ń kè ma de Daudanɛ dɔngu pingi. Dii bé eé to à zaaa pì wi n musu sa, mɔde eé aubarikadamagu à to Dauda kpata kāsāa gɔ̃ pɛɛna ai gurɔ sānda pingia. Kina Yoyada né Benaya dà, ben à gàa à Simɛi lè à dè. Len Sulemanu kpata kāsāa pèè lɛ.

Sulemanu ɔ̃ndɔ̃ weekena

Sulemanu ledole kè kɔ̃n Igipiti ki Fili'aunao, à à nɛnɔgbɛ sè nɔɔ ù à sùo Dauda wɛten àton a bɛ kɔ̃n Dii uao kɔ̃n Yerusalemu bĩio bo à midɛ. Gurɔ beeeaa wèe kpɛ bo Diinɛ kòro, ben wègɔ̃ saa'oo kpìii musu tãagbãgbãkiinɔa. Sulemanu ye Diizi, à a de Dauda yãdienanɔ kũna, mɔde è saa'o gbãgbãkii pìnɔa, ben ègɔ̃ tuaetiti kpata gwe.

Ben à gàa saa'o zaa Gibiɔ̃, zaake gbãgbãkii pì bé à dɛ à kpaaanɔla. À sa'opɔ̃ kè wè ka tɛn à tekũ ò gwe mɛn wàa sɔɔro. Gwen Dii bò à mòzi nanaa guu gwãavĩ à bè: Ñ pɔ̃ kè ń yezi weekema. Ben Sulemanu bè: N gbɛkɛkɛ n zɔɔbleri ma de Daudanɛ maamaa, kè à dɛnnɛ gbɛ maa naanɛde nɔsɛpuradee ù yãnzɛ. N gbɛkɛ bita kènɛ, ń tò mamɔma à né e kiblee à gɛɛ ù gbàa kèa. Tia sa Dii ma Luda, n mamɔma n zɔɔbleri kà ki ù ma de Dauda gben. Né feten ma ù, má yãke gbá dɔ̃ro. Mamɔma n zɔɔbleri, má ku n gbɛ kè ń sènɔ tɛ. Aɔ̃o pari, weé fɔ̃ wà ń naro wà ń lɛ dɔ̃ro. Ñ mamɔma n zɔɔbleri gba ɔ̃ndɔ̃, lɛ màgae yãgɔ̃gɔ̃ n

gbẽnɔnɛ a zea, màgɔ à maaa dɔkɔzi kɔn à zaaao. Tó lenlo, dian mé ke nà mà yāgɔgɔ n gbẽ pari daa pìnɔnɛ? Yā kè Sulemanu wɛɛkè pì kè Diinɛ, ben à bènɛ: Zaake yā kè n wɛɛkèn gwe, née wēndi gbāa wɛɛkero ke auziki ke n ibɛɛnɔ gaa, sede yāgɔgɔna a zea dɔnan n wɛɛkè, mé ke lan í wɛɛkè nà, mé n gba ɔndɔ kɔn wɛɛzẽeo. Gbẽ kee kuu n ã ke n gbera kè eégɔ ɔndɔ lan n bàro. Mé pɔ kè née wɛɛkero kpamma dɔ. Mé n gba auziki kɔn gakuio pingi ai n wēndi len. Kina ke é ka n ũro. Tó í temazi, bensɔ í ma yā'onnenano kɔn ma yādienano kūna lan n de Dauda kūna nà, mé n wēndi dɔnnɛ kɔn mɔkyakooo. Ben Sulemanu vù, à è kè nanaan á ò. Ben à tà Yerusalemu, à gàa à zè Dii bà kuuna kɔn Isarailinɔ akpati aɛ, à sa'opɔ kè wè ka ten à tɛkūnɔ kɔn kennakɔ sa'opɔnɔ ò gwe, ben à pɔnna pɔblee kè a ibanɔnɛ.

Sulemanu yāgɔgɔna kaaruanɔnɛ

Zíkea kaarua gɔɔn plaa kenɔ mò Sulemanu kiia, aɔ zè à aɛ. Aɔ gbẽ doo bè: Ñ gaafɛɛkɛme ki. Mapi kɔn nɔgbẽ kèò wá ku kpɛ dɔnkɔmmɛ. Ben ma nɛ'ì wambe wa plaa kpɛ pì guu. À gurɔ aagɔdee zĩ nɔgbẽ pì nɛ'ì se. Wambe wa plaa kpɛ pì guu, gbẽkee kuwao gwero. Kè nɔgbẽ pì dàe a nɛgɔgbẽ pì gwāavĩ, ben à gà. Ben à fɛɛ gwāavĩ lezāndo, à ma nɛgɔgbẽ sè ma saɛ gurɔ kè mamɔma n zɔbleri e ii'oo, à dàe a saɛ, ben à a né gɛ kii sè à dàɛme ma saɛ. Kè ma vu kɔngɔ mà yɔkpɛ ma néa, ben má è gɛ. Kè má gwà tiiti, ben má è ma nénlo. Ben nɔgbẽ pì gbẽndoo bè: Eɣɛɛme! Ma né bé à bɛɛ, n pɔ bé à gà. Ben nɔgbẽ kaaku bè: Eɣɛɛme! N né bé à gà, ma pɔ bé à bɛɛ. Ben aɔɔe leokpakɔa kɛɛ

kina aezĩ.

Ben kina bè: Gbē kekii e bee a né bé à bēε, n pó bé à gà, bensõ gbē kekāa e bee, εγεμε, n né bé à gà, a pó bé à bēε. Ben kina bè: À mame kōn fēdaao. Ben wà mōne. Ben kina bè: À né kē bēε zōkōre plaa, à à kpadoo kpa gbē dooa, é à kpadoo kpa dooa. Nōgbē kē a né bēε sō, né pì kēne wēnda, ben à bè kinane: Ki, n né kē bēε pì kpaa, òton à dero. Ben à gbēndoo bè: Wà à zōkōre plaa, wa pingi wà korazi. Ben kina yā midè à bè: À né kē bēε pì kpa nōgbē kaakua. Àton à dero. À dan gwe. Kē Isarailino yākpae kē kina kē pì mà, aō vīakēne, zaake aō è Luda à gbà òndō à yāgōgō a zea.

Sulemanu ibano

Ki Sulemanun Isaraili bori pingi kina ũ. À bùsu dōn'aēdeenō tōn ye: Zadōki né Azarian sa'oriki ũ. Sisa nenō Eliorefi kōn Ahiaon à takadakērino ũ. Ailudi né Yosafatan yāzibaarukēri ũ. Yoyada né Benayan à zīkpe dōn'aēdee ũ. Zadōki kōn Abiataon sa'orino ũ. Natā né Azarian à gu dōn'aēdeenō gbēnsi ũ. Sa'ori Zabudu, Natā nén à kpàasi ũ. Aisan à begwari ũ. Abada né Adoniramun zōzĩ gbēnsi ũ.

Ki Sulemanu Isarailino bùsu gbēnsino diēdie guunōa gōon kuri awēplaa. Wē kōn wēō aō baade è mō kina kōn a uadeenōne kōn pōbleeo aō baade kōn a mōō. Aō tōn ye: Benuru bé à Eflaimu boriino gu sīsīdee vī. Benideka bé à Makaza kōn Salabimuo kōn Besemesio kōn Elōni Betanao vī. Benesēdi bé à Arubo kōn Sokoo vī kōn Efa guuo pingi dō. Benabinadabu bé à

Doru gusĩĩdee vĩ. Sulemanu nenɔgbẽ Tafame à nɔɔ ũ. Ailudi né Baana bé à Tanaki vĩ kɔn Megidoo kɔn Betesã guu kè kĩi kɔn Zaretão Yezerili gĩzĩ kpa pingi zaa Betesã ai Abeli Meola ai Yɔkemeamu kãakpa. Benigeba bé à Ramɔ Giliada vĩ kɔn Manase né Yairi lakutu kè ku Giliada guunno kɔn Agobu guu kè ku Basão kɔn à meewi bĩide men baaagɔɔnɔ. Wà ní zé gbãnganɔ kè kɔn mɔgotẽome. Ido né Ainadabu bé à Manaimu guu vĩ. Aimaza bé à Nafatali guu vĩ. Àmbe à Sulemanu nenɔgbẽ Basema sè nɔɔ ũ. Usai né Baana bé à Asa guu vĩ kɔn Alotio. Parua né Yosafata bé à Isaka guu vĩ. Ela né Simei bé à Beyãmi guu vĩ. Uri né Geba bé à Giliada guu vĩ. Amɔrino ki Siɔ kɔn Basã ki Oguo bé wà ku gwe yã. Geban guu pì dɔn'aedee ũ ado. Yudanɔ kɔn Isarailinɔɔ pari lan isiale busu'aatẽ bà. Aðègɔ pɔblee wàgɔ imii wà pɔnnaake.

Sulemanu nnamana kɔn à ɔndɔɔ

Zaa Yuflati ai Filisitinino busun kɔn Igipiti bùsu léo, Sulemanu bé à kiblè bùsu pìnɔa pingi. Bùsu pìnɔ gbẽnɔ ègɔ tangba kpaaa ai à wẽndi len. Sulemanu ua guro do bleen ye: Flawa saki baplaa akuri, wisiti saki basɔɔro. Zù mekpana kè wà gwà be men kuri, kpàsa zù men baro, sã men basɔɔro kɔn gãano kɔn zɔnɔ kɔn dùano kɔn ko maaano dɔ. Zaake à kiblè bùsu kè ku Yuflati ɔfántègèkpen kpaanɔa pingi sena zaa Tifisa ai Gaza, bensɔ yãkete ku gukearo. Sulemanu gurɔɔa Yudanɔ kɔn Isaraili kè aɔɔ ku zaa Dani ai Besebanɔ kaena ní busun ní laakaria, baade kɔn a geepti lino kɔn a kãkãpura lino.

Sulemanu sɔ kè aðè góro gaenɔ kése bɔrɔ siigɔ. À sɔ kè wè

dimmánɔ sɔ̃, bɔrɔ kuri awɛɛplaa. Gu gběnsi pìnɔ sɔ̃, aɔ baade ègɔ mɔɔnɛ kɔ̃n blɛɛo a mɔɔn ki Sulemanu kɔ̃n gbě kè aɔ̀è mɔ pɔbleonɔ pɔ̃ ũ. Pɔke è kěsǎmmáro. Aɔ̀ègɔ mɔɔ sɔ̃ pìnɔnɛ kɔ̃n eseo kɔ̃n sɛo dɔ guu kè aɔ̃ɔ kun, lan wà diè n baadenɛ nà.

Luda Sulemanu gbà ɔ̃ndɔ̃ kɔ̃n wɛɛzɛɛo maamaa. Weé fɔ̃ wà à dɔ̃na lé dɔ̃ro, lan weé fɔ̃ wà isiale busu'áatɛ lé dɔ̃ro nà. Sulemanu ɔ̃ndɔ̃ de ɔ̃fǎntɛbɔɛkpadeenɔ kɔ̃n Igipitinɔ pɔ́la n pingi. À ɔ̃ndɔ̃ de gbě pingila. À de Ezera bori Etani pɔ́la kɔ̃n Maoli nenɔ Emani kɔ̃n Kalakɔlio kɔ̃n Daadao. À tɔbò bɔ̃su kè lìgazinɔ guu pingi. À yaasizù bɔrɔ aagɔ̃ bensɔ̃ lè kè à dànɔ kà bɔrɔ dɔ kɔ̃n men sɔɔroo. À linɔ kɔ̃n lanɔ yǎ bɔkɔ̃tena kè, naana zaa sida lí kè ku Lebano busun ai à gàa pɛ sɛsɔ̃vlǎa kè è bɔɛ bǐianɔa. À nɔbɔnɔ yǎ dànné dɔ kɔ̃n bǎanɔ kɔ̃n pɔtaa'onkuseanɔ kɔ̃n kpɔnɔ. Kina kè aɔ̃ɔ ku anduna guunɔ à ɔ̃ndɔ̃ baaru mà n pingi. Bɔ̃su kɔ̃n bɔ̃suo pingi n gběnɔ zǐ wà gá à ɔ̃ndɔ̃yǎ ma.

Dii ua kaena soru

Kè Taya ki Hiramu mà kè wà Sulemanu kà ki ũ a de gɛɛ ũ, à a iba kenɔ zǐa, zaake Dauda gběnnamɛ yǎ. Ben Sulemanu lɛkpǎsǎ kè Hiramunɛ à bè: N dɔ̃ kè ma de Dauda e e à kpɛ bò Dii a Ludanero, kè borii kè aɔ̃ɔ lìgazinɔ e zǐkaao yǎnzi, ai Dii gàa à n kenɛ tinti ũ. Tia sa Dii ma Ludaa tò ma ãampakii è. Ibɛɛ kee ku gukearo, mɔ̃nzi kee kuuro. Bee yǎnzin má yezi mà kpɛ bo Dii ma Ludanɛzi, lan Dii ò ma de Daudanɛ nà, à bè à né kè é kpa kpatan à gɛɛ ũu bé eé kpɛ boare. N gběnɔ da aɔ̃ Lebano sida linɔ zɔ̃zɔ̃mɛ. Ma zǐkerinɔ é zǐi pì ke kɔ̃n n zǐkerinɔ lɛdo, mé n zǐkeri

pìnɔ ɸiabonne lan ń ò nà pingi. ́N dɔ̀ kè wá gbēke vī à lízɔ̀na dɔ̀ lan a Sidɔ̀deenɔ̀ bàro.

Kè Hiramun Sulemanu yā̀ pì mà, à pɔ̀ kè nna maamaa à bè: Wà Dii tɔ̀kpa gbàa, zaake à Dauda gbà né ɔ̀ndɔ̀dee, èe dɔ̀ a gbē pariinɔ̀ne aɛ. Ben Hiramun gbēnɔ̀ zī Sulemanua à bè: Ma lɛkpāsā̀ kè ń kèmmɛ̀ mà. Mé ke lan ń yezi nà sida linɔ̀ kɔ̀n pini linɔ̀ yā̀ musu. Ma zīkerinɔ̀ é lí pìnɔ̀ se zaa Lebano kpiiinɔ̀ musu, aɔ́é pitao isialea, mé yiyi mà gbēnɔ̀ zionne isiaala. Guu kè ń òmmen, gwen mé to wà kaennne, gbasa n̄ tao. Mpi sɔ̀, yā̀ kè má yezi n̄ kemɛen ye: Ñ pɔ̀blee kpa ma uadeenɔ̀a. Len Hiramun ègɔ̀ sida linɔ̀ kɔ̀n pini linɔ̀ kpaa Sulemanua le lan à yezi nà. Sulemanu sɔ̀ ègɔ̀ pɔ̀wɛɛ kpaaa wē kɔ̀n wēo tɔ̀n wàa plaa kɔ̀n nɔ̀sio lita bɔ̀rɔ̀ wàa plaa. Dii Sulemanu gbà ɔ̀ndɔ̀ lan à à legbène nà. Hiramun kɔ̀n Sulemanuo nna kɔ̀o, ben aɔ̀ lɛdole vī.

Ki Sulemanu gbēnɔ̀ sèse Isaraili boriinɔ̀ te pingi à ń dá zī̀ pì guu gɔ̀n bɔ̀rɔ̀ baaakuri. Ègɔ̀ ń zī Lebano busun mɔ̀ kɔ̀n mɔ̀o gɔ̀n bɔ̀rɔ̀ kuri. Gbē pìnɔ̀ è ke Lebano mɔ̀ do, ben aɔ̀ su wà ke be mɔ̀ plaplaa. Adoniramun zɔ̀zī̀ pì gbēnsi ũ. Sulemanu gbe'arinɔ̀ vī gukpiideen gɔ̀n bɔ̀rɔ̀ basiigɔ̀, à seserinɔ̀ sɔ̀ gɔ̀n bɔ̀rɔ̀ baaagɔ̀ akuri. Gbē pìnɔ̀ baasi, Sulemanu gbēnɔ̀ diɛdie gɔ̀n bɔ̀rɔ̀ aagɔ̀ kɔ̀n wàa aagɔ̀o, aɔ̀gɔ̀ wɛɛtɛɛ zī̀ pìzi. Kina yā̀diɛ, ben wà gbe gbēntɛ maaano yɔ̀yɔ̀ wà à, wà sɛ̀ wà sùo kpɛ̀ pì ēdaɛbɔ̀nɔ̀ ũ. Len Sulemanu zīkerinɔ̀ kɔ̀n Hiramun zīkerinɔ̀ kɔ̀n Gebalideenɔ̀ lí zɔ̀zɔ̀ le aɔ̀ kèke, aɔ̀ gbe kèke kpɛ̀ pì bobo ũ.

Dii ua kaena

Isarailino bona Igipiti wè wàa plaa kpe basiigɔ̃ gbera, Sulemanu kiblena wè siigɔ̃deen, à mɔ plaadee kè wè be Zivi guu, ben à nà Dii ua kaenaa. Kpé kè à bò Diine pì gbàa kà gāsāsuu baaagɔ̃, à yaasa baro, à lezĩ baaakuri. Kpé pì gbàadaaa vĩ a aɛ, à gbàa sɛnkpeo gāsāsuu baro, à yaasa sɔ̃ gāsāsuu kuri. À à windono bɔ̃bɔ, à lenɔ̃ de yaasa, à guu kpãa de kpaatogo. À kpeneno bɔ̃bo à liga kpe pìzi kɔ̃n a Ludakukiio kpa plaplaa kɔ̃n a kpɛɛo. À didikɔ̃ana aagɔ̃gɔ̃, kpene kè ku tɔ̃tɛno yaasa kà gāsāsuu sɔ̃sɔ̃ro, kè ku gurano swɛedodo, kè ku musuno swɛɛplaplaa. Dii kpe gbɛ kè ku musuno yaasa kɛ̃sã tɔ̃tɛ pɔ̃zi, lɛ wà e wà kpene pì zàno didia kpe pì gbefɔ̃na sai.

Kè wèe kpe pì boo, wà bò kɔ̃n gbɛ kè wà à zaa a yɔ̃kiiaome. Wèe eree ke gã ke zĩkebo ke kĩi ma kpe pì bokiiaro. Kpéne kè ku tɔ̃tɛno pingi gɛ̃kii ku à sɔ̃mɛtɛ kpame. Didikii gaa kpene kè ku gurano kɔ̃n kpene kè di à musuno kiia. Kè à kpe pì bò à yãa, à dò kɔ̃n zà lino kɔ̃n sida lí lèetɛgeeno. À kpene pino bò kpe pì gbàa lemme. À pingi lezĩ gāsāsuu sɔ̃sɔ̃rome, bensɔ̃ wà n pɛpɛ kpe pì zà kɔ̃n sida lío.

Ben Dii yã'ò Sulemanune à bè: Kpé kè née boo kɛ̃ki yã musu, tó née ma ɔ̃ɔ̃kii gwaa, tó n ma yãdannenanɔ̃ kè, tó n yã kè má diennéno kũna née zĩkɛɛa, mé lé kè má gbɛ̃ n de Daudane papanne. Mégɔ̃ ku ma gbɛ̃ Isarailino tɛ, mé n tonlo.

Kè Sulemanu kpe pì bò à yãa, à sida lí lèetɛgeeno nàna à gũa à guu selele zaa tɔ̃tɛ ai à sàtazi, ben à pini lí lèetɛgeeno kpàɛ

à tɔtɛ pingi. À kpɛnɛ kɛ kɛ pì guu Ludakukii ũ, à gbàa kà gāsāsuu baro, ben à sida lí lèetɛgeenɔ nàna à gùa selele zaa tɔtɛ ai à sàtazi. Kpé pì gānu gbàa kà gāsāsuu baplaa. Sida lí kɛ wà nàna kɛ pì guu, wà ɔzīkèa lan tuu kɔn lávu pianaò bà. À pingi né sida límɛ, wè gbɛ ke e gupuraaro. À kɛ pì kpɛnɛ kèkɛ Dii bà kuuna kɔn Isarailinɔ akpati diekii ũ. Kpéne pì gbàa kà gāsāsuu baro, à yaasa dɔ baro, à lezī sɔ baro. À vura atɛɛ nàna kpɛnɛ pì gùa pingi. À tuaetitikpatakii kɛ wà kɛ kɔn sida lío nàna kɔn vuraò dɔ. À vura atɛɛ nàna gānu gùa dɔ, ben à mɔkyakoo kɛ wà pì kɔn vuraonɔ lògologo kpɛnɛ gù kɛ à vura nànaa pì kpɛle kpa. À vura nàna kɛ pì guuguu selele kɔn tuaetitikpatakii kɛ ku kpɛnɛ pì saeo.

À kù lí à kerubunɔ ũ men plaa, à diɛ kpɛnɛ guu. Kerubu pìnɔ lezī kà gāsāsuu kuri. Aɔ debɛnɔ gbàa kà gāsāsuu sɔsɔro. Zaa deɛ do lea kɛ ai à do lea kãa à gbàa gāsāsuu kuri. Kerubu men plaaa pìnɔò bɔ̀kɔ̀ba, aɔ sɛ̀nkpɛmɛ. Aɔ plaa ní pingi lezī kà gāsāsuu kurikuri. Ben à ní kaɛ kɛ pì kpɛnɛ guu. Aɔ debɛnɔò poroporona, à doo deɛ gàa à pè gùa kãa, à doo pɔ pè gùa kè, ben aɔ deɛ kè gɔ̀nɔ pè kɔa kpɛnɛ pì guragura. À vura nàna kerubu pìnɔa dɔ. À ɔzīkè kɛ pì gùnɔa gānu kɔn kpɛnɛo pingi, à kerubunɔ wɛ̀zã kè kɔn damina linɔ kɔn lávu piananɔ. À vura kpàɛ kɛ pì tɔtɛ dɔ, gānu kɔn kpɛnɛo pingi. À kpɛnɛ pì gbànɔ kɔn à lípɛnɔ kè kɔn kù lío. À musu kè sɔntɛ. À ɔzīkè kù lí gbà men plaaa pìnɔa, à kerubunɔ wɛ̀zã kè kɔn damina linɔ kɔn lávu piananɔ, ben à vura nànaa. À gānu gbà lí kè kusua siigɔ kɔn kù lío dɔ. À à gbànɔ kè kɔn pini lío ɔla plaa. Gbà pìnɔ ɔla pingi è

nakōa guragura. Ben à ɔzīikè gbà pìnɔa, à kerubunɔ wēzā kè kōn damina lío kōn lávu pianao, ben à vura nànaa.

À bīi bò à līga à uazi. Bīi pì gbe kè wà ànɔ vī didikōana leo aagōgō, ben sida lí kè wà zōnɔ kpakpa à musu. Wà Dii kpɛ pì ēɛ kpàɛ Sulemanu kiblena wē siigōden, à mɔɔ kè wè be Zivi guume, ben wà à laata kpà à wē kuri awɛɛdodeen, à mɔ sɔraagōdee kè wè be Bulu guu lan à kpɛ zīi diè nà. À bona kōn à kɛkenao kà wē swɛɛplaa.

Tana kōn Dii akpatio a kpen

Ben ki Sulemanu Isaraili gbēnsinɔ sīsī Yerusalemu, aō borii dɔn'aɛdeenɔ kōn n̄ uabɛdeenɔ n̄ pingi, le aō mɔ wà Dii bà kuunańyo akpati sɛ Dauda wete kè wè be Zayɔn wà suo. Ben Isarailinɔ kàkōa à aɛ n̄ pingi mɔ swɛɛplaaɛ Etanimu zībaagurɔɔzī. Kè Isaraili gbēnsinɔ pèkōrɛ n̄ pingi, ben sa'orinɔ Dii akpati pì sè kōn dakōreki kutaaɔ kōn Dii pó kè ku à guunɔ. Sa'orinɔ kōn Levi boriinɔ bé wà pó pìnɔ sè wà sùo, ben ki Sulemanu kōn Isaraili kè aō kàkōa à aɛnɔ saa'ò kōn sãanɔ kōn zùnɔ akpati pì aɛ. Pó kè aō saa'òo pìnɔɔ parii kè bita, èe si naroro. Ben sa'orinɔ gē kōn Dii bà kuunańyo akpatio à kpen ai kpenɛ kè wè be Ludakukiin. Aō diè à diekiia gwe kerubunɔ gīzī. Kerubu pìnɔ dɛbenɔɔ poroporona akpati pì kōn à selinɔla. À seli pìnɔɔ gbàa ai wè n̄ lé e Dii kpɛ gānu guu, mɔde wè e ua kparo. Lí pìnɔɔ ku gwe ai kōn a gbàao. Pókee ku akpati pì guuro, tó èe kɛ gbe walaa men plaaa kè Musa dàn zaa Orebu, guu kè Dii bè a bà égō ku kōn Isarailinɔ aō bona Igipiti gberaa baasiro.

Kè sa'orino b̀̀e Dii kpen, tesukpe kpe p̀̀i pà, aɔ̀ɔe f̃ wà g̃è wà ñ z̃iike gwero tesukpe p̀̀i yānzi, zaake Dii gakui a kpe pà. Ben Sulemanu b̀̀e: Dii b̀̀e ég̃ɔ ku tesukpe siaa guume. Ben à b̀̀e Diine: Ma kpe naasidee kekii b̀̀onne, ng̃ɔ ku à guu guru pingi. Ben à liè à aed̀̀d̀̀ pariia à sa maaa ònné. Ben à b̀̀e: Wà Dii Isarailino Luda saabukpa! À legb̀̀è ma de Daudane, ben à pàpa. Zaake à b̀̀e, zaa guru k̀̀e a a gb̃ Isarailino b̀̀e Igipiti, ée Isaraili wete ke die wà kpe bon arero. Daudan a s̀̀e a gb̃ Isarailino d̀̀n'aedee ũ. K̀̀e ma de Dauda yezi à kpe bo Dii Isarailino Ludane, ben Dii b̀̀ene kpebonaare le a t̀̀o g̃ɔ kua laasuu k̀̀e à k̀̀e p̀̀i maa, m̀̀de èe ke àpi bé eé boarero, à z̃inda né ke bé eé boare. Ben Dii k̀̀e lan à à legb̀̀ene nà. Ma g̃ɔ ma de Dauda g̃e ũ, ma ṽe Isaraili kpatan lan Dii Isarailino Luda à legb̀̀è nà, ben ma kpe k̀̀e b̀̀ene le à t̀̀o g̃ɔ kua yānzi. Gwen ma Dii akpati diekii k̀̀eken. Dii bà kuuna k̃n wa dezino aɔ̀ b̀̀ona Igipiti gbera yā ku à guu.

Sulemanu aduakena a gb̃enone

Sulemanu aed̀̀d̀̀ Dii gb̃agb̃akiia Isaraili k̀̀e aɔ̀ kak̃ana gweeno wáa ñ pingi, ben à a ɔ̀no s̀̀e musu à b̀̀e: Dii Isarailino Luda, gb̃eke è si lek̃zinyo musu ke t̀̀otero. N gb̃eke guu n bà ku k̃n n z̀̀bleri k̀̀e aɔ̀ te n zen k̃n ñse dooono. N yā k̀̀e n à legb̀̀è n z̀̀bleri ma de Daudane pàpa. Ñ ò k̃n léome yā, gb̃aa san ñ pàpa. Tia sa Dii Isarailino Luda, n legb̀̀è n z̀̀bleri ma de Daudane n b̀̀e, t̀̀o à boriino ñ z̃inda k̃na d̃ɔ bens̃ɔ aɔ̀ te n zen lan à tezi nà, aɔ̀ég̃ɔ ku Isaraili kpatan guru pingi. Isarailino Luda, n to yā k̀̀e ñ ò n z̀̀bleri ma de Daudane ke yāpuraa ũ sa. M̀̀de Luda, nég̃ɔ ku

tɔɔtɛ kɛ yāpuran yɔ? Musu kɔ̃n a lezĩkɛɛo é fɔ̃ à n siro, benle kpɛ kɛ má bɔnnɛɛ kekii saɔ? Dii ma Luda, ò laakaridɔ mapi n zɔbleria, ò ma aduakɛna kɔ̃n ma agbaakpanannɛɛo si. Ò swākpawiii kɛ mapi n zɔbleri mɛɛ pɛenziizi kɔ̃n aduakɛ mɛɛ kɛemmaao gbāa. Ò to n wɛɛ gɔ̃ pena kpɛ kekii gwāāvĩ kɔ̃n fāantɛo, guu kɛ n bè n tɔ é gɔ̃ kua kekii pì. Ò aduakɛ mapi n zɔbleri mɛɛ kɛ aedɔna guu kekii ma. Tó mapi n zɔbleri ke n gbɛ Isarailinɔ aedò guu kekii, tó wa wɛɛkɛmma, ògae wa wɛɛkɛna si zaa n kukiia musu ò suukɛwao.

Tó gbɛ taarikɛ a gbɛdaaane, ben wà bènɛ à lada, tó à mò à ladà n gbāgbākii kɛ aɛ, ògae zɛnyo zaa n kukiia musu ò ɔɔannɛ. Ògae yāgɔ̃gɔ̃ n zɔblerinɔnɛ ò yāda taarideela, lɛ à yākɛna wi à musu ò yā nnaa kpa taarisaideea, lɛ wà e wà dɔ̃ kɛ à yāke vīro. Tó n gbɛ Isarailinɔ ibɛɛnɔ zĩblèmmá durunkɛ aɔ̃ kɛnnɛ yānzi, aɔ̃ tányo, tó aɔ̃ ɛara wà aedòmma wà n sisi, tó aɔ̃ wɛɛkɛmma wà agbaakpànnɛ kpɛ kekii, zaa n kukiia musu ògae zɛnyo ò suukɛnyo kɔ̃n ò durunnɔ, ò ɛaraányo bùsu kɛ ò kpà ò dezinɔa kekii pì guu.

Tó ludambɛ gɔ̃ da waawaa, lou gĩ mazi kɛ aɔ̃ durunkɛnnɛ yānzi, tó aɔ̃ aedò guu kekii aɔ̃ wɛɛkɛmma aɔ̃ n sisi, bensɔ̃ aɔ̃ kpɛɛlì ò durunnɛ kɛ n wɛɛtāmmá yānzi, zaa n kukiia musu ògae zɛnyo ò suukɛnyo kɔ̃n ò durunnɔ. Ògae ò da zɛ maaan, nɛ to lou ma n bùsu kɛ ò kpà n gbɛnɔa aɔ̃ pɔ̃ ũu kɛ guu. Tó dekaa ke gagyāa kà bùsu kɛn, ke pɔwɛɛpɔ̃si ke pɔpukpana ke sutɛnɔ ke kwaanɔ ke tó ibɛɛnɔ lìga ò wɛtɛ kezi ke tó mɔnzi ke gyāa gɛ ò tɛ,

tó aõ gbẽke yã kè à a lee dõ, tó à a ɔ dõ kpe kekii kpa, tó à weekemma à agbaakpànnɛ, zaa n kukiia musu ñgae zɛo ñ suukeo, né dɔàlɛ. Ñgae fiabone a yãkenaa, zaake n à nɔse dõ. Mbe n baade pingi nɔse dõ. Len aãégõ vīakɛnnɛ le ai n wēndi len b̄usu kè n kpà n dezinɔa kè guu.

Zaake weé n to bita kōn n gāsã gbāaaao kōn n ɔ kè poronao baaru ma, tó gbẽ zĩto kè de n gbẽ Isaraili borii ũroo b̄ò b̄usu zāazān à m̄ò n to yānzi, tó à aed̄ò kpe kèa à weekemma, zaa n kukiia musu ñgae zɛo ñ yã kè à weekemmaa kenɛ, le anduna bori pingi e à n to dõ, wà vīakɛnnɛ lan n gbẽ Isarailino è kenne nà, aãégõ dõ kè n to ku kpe kè má b̄ò kèa.

Tó n gbēno b̄ɛ wà gaa zíká kōn n ibɛeno, baa guu kè n n zĩn pingi, tó aõ aed̄ò wete kè n sè kèa kōn kpe kè má b̄onnnɛ k̄eo, tó aõ weekemma, zaa n kukiia musu ñgae zɛnyo agbaa kè aõ kpànnɛ yānzi, ñ yã nnaa kpammá. Zaake gbẽke è gi durunkɛziro, tó aõ durunkɛnnɛ, tó n pɔf̄ɛn̄zi n n ná n ibɛennɛ n ɔzĩ, tó aõ tàn̄yo n busun zĩzɔno ũ b̄usu zāazā ke à kīin yoo, tó aõ nɔse liɛ b̄usu kè aõɛ z̄obleen p̄i guu, tó aõ èara wà agbaakpànnɛ gwe wà bè: Wa durunkè, wa taarikè, wa yã zaaa kè, tó aõ aed̄omma kōn nɔseo do kōn p̄oyezinao pingi zaa b̄usu kè aõɛ z̄obleen n ibɛennɛ p̄i guu, tó aõ aed̄ò b̄usu kè n kpà n dezinɔa kōn wete kè n s̄eo kōn kpe kè má b̄onnnɛ k̄eo, tó aõ weekemma, zaa n kukiia musu ñgae zɛnyo agbaa kè aõ kpànnɛ yānzi, ñ yã nnaa kpammá. Ñgae suuke kōn n gbẽ kè aõ durunkɛnnɛno kōn taarikè aõ k̄eo, ñ to gbẽ kè aõɛ z̄obleenn̄no n wēnda gwa, zaake n p̄ovīnanɔmɛ,

n gbẽ kè n ní b́e Igipitino wɛɛtãmma pãĩ guunɔmɛ.

Ñ to n wɛɛ gɔ ku mapi n zɔbleria, ñ swãkpa agbaa kè má kpànnɛɛzi kɔn agbaa kè n gbẽ Isarailino kpànnɛɛo. Ñ swãkpańzi gurɔ kè aɔ wiipɛnzi pingi. Dii Luda, zaake anduna bori pingi guu aɔpinɔn n ní sɛ n gbɛnɔ ũ, lan ní ò n zɔbleri Musa gãzĩ nà gurɔ kè n wa dezinɔ b̀e Igipiti.

Gurɔ kè Sulemanu e wɛɛkɛ Diia, à kuɛna a kosooamɛ kɔn à ɔɔɔɔ porona musu. Kè à aduakè à yãa, ben à fɛɛ à zè Dii gbãgbãkiiia gwe, ben à sa maaa ò Isaraili kè aɔ ku gweenɔnɛ ní pingi, à ò gbãngbãn à bè: Wà Dii saabukpa, zaake à wamɔwa a gbẽ Isarailino gbà ãampakii lan à ò nà. Yã maaa kè à à lɛgbɛ a zɔbleri Musa gãzĩnɔ pàpa pingi, à kee e lɛɛ pãro. Dii wa Luda gɔ kuwao, lan à ku kɔn wa dezinɔ nà. Àton wa tonlo, àton pãkpawaziro. À to wà swɛ gɔ kuawa wàgɔ tɛ à zen, wàgɔ à yãdienanɔ kũna kɔn yã kè à dà wa dezinɔnɛnɔ, wàgɔ à ɔɔɔkii gwaa. Adua kè má kè Dii wa Ludaa gɔ dɔn fãantɛ kɔn gwãavĩo. Àgɔ yã nnaa kpa mamɔma a zɔbleria kɔn a gbẽ Isarailino lan guu e dɔɔ nà, anduna bori pingi é à dɔ kè Dii né Ludamɛ, à pãndee kuuro. À kũ à a swɛ kpa Dii wa Ludaa mãmamm, àgɔ à ɔɔɔkii gwaa, àgɔ à yãdienanɔ kũna lan á kũna gbãa nà.

Dii ua kyakɛna

Ben kina kɔn Isarailino ní pingi saa'ò Diia. Sulemanu kennakɔ saa'ò Diia kɔn zùnɔ bɔɔ baro awɛɛplaa kɔn sãanɔ bɔɔ baswɛɛdo. Len kina kɔn Isarailino ní pingi Dii ua kyakè lɛ. Zĩ pìà kina gbãĩ gò ua kè ku Dii kpɛ aɛa, ben à sa'opɔ kè wè ka tɛn à

tekũ ò gwe kǝn pɔwɛɛ gbao kǝn kennakɔ sa nɔsio, zaake sa'okii kɛ̀ à kɛ̀ kǝn mɔgotɛ̀o kɛ̀ ku Dii kpɛ aɛ bitaro, ɛ̀ɛ fɔ̀ à sɔ̀ pingiro. Zĩ beee Sulemanu kǝn Isarailinɔ̀ n pingi zĩbaa kɛ̀ Dii n Ludane ai guro swɛɛplaa, ben aɔ̀ Kutadɔna zĩbaa kɛ̀ guro swɛɛplaa dɔ̀. À pingi kɛ̀ guro gɛ̀ro dosai. Wà pari maamaa, wà bɔ̀ zaa Lebo Amata ai à gaa pɛ Igipiti gulezeki swaaa. À guro sɔraagɔ́dee zĩ à n gbáɛ, ben aɔ̀ lezàa aɔ̀ tà n be kǝn pɔnnaao. Aɔ̀ pɔɔ kɛ̀ nna yã maaa kɛ̀ Dii kɛ̀ a zɔ́bleri Dauda kǝn a gbɛ Isarailinɔ̀ne pingi yãzi.

Dii bɔ̀ à mɔna Sulemanuzi

Kɛ̀ Sulemanu Dii ua kàɛ à yãa kǝn a uao kǝn zĩ kɛ̀ à pɔɔ kuano pingi, ben Dii ɛ̀ara à bɔ̀ à mɔzi à gɛ̀n plaadeeo lan à bɔ̀ à mɔzi Gibiɔ̀ nà à bène: Ma aduakɛ̀ n kɛ̀ kǝn agbaa kɛ̀ n kpàmmɛo mà. Ma kpɛ kɛ̀ n bɔ̀ pì diɛ ma pɔ̀ ù, ma tɔ̀ éǵɔ kua yãana sai. Ma wɛɛ éǵɔ kua, ma pɔɔ éǵɔ kua. Mpi sɔ̀, tó n tɛ ma zen suusu kǝn nɔse puraa lan n de Dauda bà, tó n yã kɛ̀ má dienneɛno kũna kǝn ma yã'onnenano, tó nɛɛ ma ɔ̀ɔkii gwaa, mé n kpata kãsãa pɛɛ Isarailinɔ̀ tɛ, eéǵɔ yãana vĩro, lan ma à legbɛ̀ n de Daudane nà, ma bè à boriino éǵɔ ku Isaraili kpatan guro pingi. Tó mpi ke n neno kpɛɛlime sɔ̀, tó á ma dokayãno kǝn yã kɛ̀ má diɛareeno kũnaro, tó a gaa a dɔ̀ tãanozi ai ée n gbãgbãa, mé Isarailinɔ̀ bɔɛ bɔ̀su kɛ̀ má kpàmmán, mé gi kpɛ kɛ̀ má diɛ ma pɔ̀ ùu pìzi, aɔ́é ǵɔ fabona pɔ̀ ù, pena pɔ̀ ù bori pingine. Baa kǝn kpɛ pì naasikɛɛo, à yã é bɔ̀ gbɛ̀ kɛ̀ aɔ̀ɔe gɛ̀tɛɛ à saeno saɛ. Aɔ́é sio gá wà be: À kɛ̀ dia Dii kɛ̀ bɔ̀su kɛ̀ kǝn kpɛ kɛ̀one lɛɛ? Weé benné: Kɛ̀ aɔ̀ pãkpà Dii n Luda kɛ̀ à n dezino bɔ̀ɛ Igipitizi yãnzime. Aɔ̀ zɛ kǝn tãano, aɔ̀ɔe n

gbāgbāa aḵe kuenné. Beee yānzin Dii mōnzi beee kpānzi pingizi.

Sulemanu yākena kpaaano

Sulemanu ua mēn plaaa pīno kàe wē barome, Dii ua kōn à zīnda uao. Beee gberan à Galili būsū wete kpà Taya ki Hiramua men baro, zaake Hiramua sida lí kōn pini lío kōn vuraō kpàa lan à yezi nà. Kè Hiramua bō Taya à gāa à wete kè Sulemanu kpàawaano gwà, èe kenero, ben à bè: Ma gbē, wete kparee takano n kàma gwee? Ben wà tōkpà guu pīne Kabulu ai kōn a gbāao. Hiramua gīake à vura kpāsā Sulemanune yā tōn siigō.

Gbē kè Sulemanu n dá zōzīnno yān ye. Gbē pīno bé wà Dii ua kōn Sulemanu uao zīkè. Aḵ Milo wē tātā kōn būsuo, aḵ Yerusalemu bīi bō, aḵ èara wà Azo kōn Megidoo kōn Gezao kèke wà kàe. Igipiti ki Fili'auna lèe Geza pīa yā, ben à sī à tesā à Kanaa kè aḵ ku à guuno dède, ben à kpà a nenogbēa zākena gbaa ũ gurō kè à kpāsā Sulemanua. Ben Sulemanu èara à Geza pī kèke à kàe kōn Betoroni gīzī pōo kōn Baalao kōn Tadamō kè ku à būsū gbaan-o kōn wete kè à kūsāe kàenno kōn wete kè à sōgorono kōn à sōnō kunno kōn kpe kè à yezi à dō Yerusalemuno kōn Lebanō kōn būsū kè èe kibleeano pingi. Borii kè aḵ de Isaraili ũroono: Amōrino, Itino, Perizino, Ivino kōn Yebusi kè aḵ gōno n pingi, gbē kè Isarailino e fō wà n dēderoono, aḵ borii kè aḵ gō n būsū pīnnōn Sulemanu n dá zōzīn, ben aḵgō zīi pī kee le ai kōn a gbāao. Èe Isarailino da zōzīnlo. Aḵmbe à n díe a zīkpeeno ũ, a ibanō, a kina daano, a gbēno dōn'aēdeenō, a sōgorodeeno, a

sõdeenɔ. Aõmbe zĩi kè wèe kɛɛ pì gbẽnsinɔ ũ dɔ, aõ gõɔn wàa plaa kpɛ baswɛɛplaa akuri.

Kè Fili'auna nenɔgbẽ bò Dauda wete à tà a kpɛ kè Sulemanu bònɛn, à gberan Sulemanu Milo wèe tàta. Wè kɔn wèò Sulemanu ègɔ saa'oo gẽn aagɔgɔ. È sa'opɔ kè wè ka ten à tekũ kɔn kennakɔo sa'opɔo o sa'okii kè à bò Diinea, è tuaetiti kpata Dii aɛ gwe dɔ. Len à Dii ua zĩinɔ kè le mámmam.

Ki Sulemanu goró'itenɔ kè Eziɔ Gɛba Elata saɛ Eɔɔmunɔ busun Isia Tɛa lea. Hiramɔ a gorodee kè aõ isiaa dɔɔnɔ zĩ, ben aõ dà isiaala ledɔ kɔn Sulemanu gbẽnɔ. Aõ gàa Ofi, aõ vura sèe gwe tɔn gẽro aõ sùo ki Sulemanunɛ.

Seba bùsu kina kè de nɔgbẽ ũ mɔna Sulemanu kiia

Kè Seba bùsu kina kè de nɔgbẽ ũu mà lan Sulemanu tɔbò nà Dii yã musu, ben à mò à yɔ à gwa kɔn yãgbekana zĩũuo. À kà Yerusalemu kɔn a ibanɔ paripari kɔn pɔ gũ nnannaanɔ kɔn vura sà bitao kɔn gbɛ bɛɛdee kè lakuminɔ senanɔ, ben à gàa Sulemanu kiia à yã kè ku a nɔɛ guu faadibòo pingi. Ben Sulemanu yã kè à làlaanɔ bòkɔtenɛ pingi. À ke bòkɔtena e à furo. Kè nɔgbẽ pì Sulemanu òndɔyãnɔ mà pingi, bensɔ à à bɛɛ kè à bò è kɔn pɔblee kè è bleenɔ kɔn à ibanɔ gwenao kɔn à be zĩkerinɔ kuunao kɔn n pɔkàsãanɔ kɔn à wèkpaaterinɔ kɔn sa'opɔ kè wè ka ten à tekũ kè à ò Dii uanɔ, yã pì à kũ gbãa, ben à lé àɛ. Ben à bè kinanɛ: N yãkenanɔ kɔn n òndɔ baaru kè má mà zaa ma busun-o né yãpuramɛ. Mée yã pìnɔ siro ai ma gaa ma kao kè, ben ma wɛɛsiàle sa. Wèe ome pingi sero fa! N òndɔ kɔn n auzikinɔ de

lan ma à baaru mà nàla zà. Mìnnadeenɔn n gběno ũ kɔn n iba kè aṣègɔ kunyo guro pingi, aṣgɔ n ɔ̀ndɔ̀yā maano! Wà Dii n Luda saabukpa, zaake n yā kàne, ben à n ka Isarailino kin. Yenzi kè Dii vī kɔn Isarailino guro pingi bé à tò à n ka ki ũzi, le ñgɔ yāgɔgɔɔnné a zea. Ben nɔgbē pì kina gbà vura tɔn siigɔ kɔn pɔ gū nnannaano paripari maamaa kɔn gbe beedeeno. Pɔ gū nnannaa kè à ki Sulemanu gbà pìno bita, gbēkee e mɔne à kà le ziki dɔro.

Hiramu goro'ite kè aṣ sù kɔn Ofio kɔn vuraono sù kɔn lí beedeeno maamaa kɔn gbe beedeeno dɔ. Ben kina Dii ua pɔno kèo kɔn a zīnda be pɔno, à mɔrono kɔn kúuno kèo lèsirinone dɔ. Wèe mɔ kɔn lí pì boriiio à kà le ziki dɔro, wèe wɛesi à takale dɔro ai kɔn a gbāao.

Pɔ kè Seba bùsu kina pì yezi pingi à gbèka ki Sulemanua, ben à à gbà, gbaa kè à kène yɔ̀nkɔ̀yɔ̀nkɔ̀no baasi. Ben à èara à tà a busun kɔn a ibano.

Sulemanu gakuikɛ

Vura kè è gē Sulemanuzi wē kɔn wēo è ka tɔn baro awɛɛ'aagɔ, tangba kè taa'orino kɔn latarino kɔn Larubu kinano kɔn a bùsu gběnsino è mɔne baasi. À sengbango bitano kè kɔn vura kè wà gbēgbēo mɛn wàa do, aṣ baade tiisi kà kiloo aagɔgɔ kɔn a kusuo. À sengbango nɛngono kèo dɔ, aṣ baade tiisi yezi à ka kiloo plaplaa. À sengbango pìno kàe kpɛ kè wè be Lɛbano Likpen. Kina kiblekita bita kè kɔn wesa swaao, ben à vura atē kùea. Kìta pì didikii vī, à gbapɛekii mɛn swɛedo. À kpɛenaki musu de mɔɔɔ gooda sai. À gāsādikiino vī, músu taka kè wà

kènɔɔ zezena gāsādikii pìnɔ saɛ. Músu pìnɔɔ zezena gbapeɛkii pìnɔa kpa plaplaa, à pingi kà kuri aweɛplaa. Wèe kita pì taka kɛ bùsu ken zikiro. Ki Sulemanu togoonɔ né vuramɛ pingi. Kpé kè wè be Lɛbanɔ Likpɛ pɔnɔ pingi né vuramɛ atɛɛ. Kondogi pɔkee ku gwero, zaake wè kondogi die pɔke ũ Sulemanu gurɔɔaro.

Kina goro'itenɔ ègɔ dana isiaala kɔn Hiramú góronɔ. Wè aagɔ pingi aɔègɔ suu kɔn vurao kɔn kondogio kɔn wesa swaao kɔn gbakũnɔ kɔn zànɔ. Ki Sulemanu auziki kɔn à ɔndɔɔo bita de anduna kinanɔ pɔla ní pingi. Baade pingi e zewetɛɛ à wɛɛsi Sulemanulɛ à à ɔndɔyā kè Ludaa dànɛ à swɛn ma. Wè pingi baade ègɔ mɔɔnɛ kɔn a gbao: Kondogi pɔnɔ, vura pɔnɔ, utanɔ, gɔkɛbɔnɔ, pɔ gũ nnannaanɔ, sɔnɔ kɔn bāagāsɔnɔ. Sulemanu sɔgoronɔ kɔn sɔnɔ kàkɔa. À sɔgoro pìnɔ kà wàa swɛplaa, à sɔnɔ sɔ bɔrɔ kuri aweɛplaa. Wè à sɔ pìnɔ gwa à sɔgoro wetenɔ guu kɔn à be Yerusalemuo. Kina tò kondogi gɔ di Yerusalemu lan gbɛ bà, bensɔ sida lí kè wè kpɛ dɔo pari lan betɛ lí bà sɛn. Wè bɔ kɔn Sulemanu sɔ pìnɔ zaa Igipiti kɔn Silisia bùsuomɛ. Kina latarinɔ bé wè gá lulu gwe. Aɔè sɔgoronɔ lulu Igipiti kondogi ɔɔ mɛn wàa aagɔmɛ, sɔnɔ sɔ mɛn baswɛplaa akuri, ben è ɛara à sɔ pìnɔ yá Iti kinanɔa kɔn Siriano kinanɔ.

Sulemanu nɔɔnɔ

Ki Sulemanu yè bori pānde nɔgbɛnɔzi pari. Fili'auna nenɔgbɛ baasi, ben à Mɔabunɔ kɔn Amɔninɔ kɔn ɛdɔmunɔ kɔn Sidɔdeenɔ kɔn Itinɔ sɛsɛ nɔɔnɔ ũ. Dii bè Isarailinɔnɛ aɔton borii pìnɔ sɛro, zaake aɔé ní sāsāme, lɛ aɔɔ tɛ ní tāanɔzi. Baa kɔn beeeo

aõ yenzi Sulemanu swē blè. À kineno sèse nɔɔnɔ ũ gɔɔn wàa aagɔ
kpe basɔɔro, bensɔ à nɔ yigisainɔ vɛ dɔ wàa do kpe basɔɔro. Ben à
nɔɔ pìnɔ à sàsã. Kè zikū e gēen, à nɔɔnɔ tò à tè tãanɔzi, èe a swē
kpa Dii a Ludaá mámmam lan a de Dauda bàro. À tè Sidɔdeeno
tãa Asatorezi kɔn Amɔnino tãa Mɔleki kè Luda zàn-o. À yã kè Dii
yeziroo kè, èe tɛzi kɔn nɔseɔ do lan a de Dauda bàro. Ben à gàa à
tãagbãgbãkii bò sīsĩ kè ku Yerusalemu ɔfãntēbɔe kpaa musu
Mɔabuno tãa gina Kemɔsine kɔn Amɔnino tãa gina Mɔlekio. Len à
kè le a bori pãnde nɔɔnɔne n pingi, ben aõ tuaetiti kpàta n
tãanɔne aõ saa'òmmá.

Ben Dii Isarailino Luda ɔfɛ Sulemanuzi, kè à kpeɛline à
swē kua dɔro yãnzɛ, zaake Dii bò à mɔzi yã gēn plaa. Baa kè Dii
bène, àton te tãanɔziro, èe yã kè Dii dɛ pì maro. Ben Dii bène:
Zaake n kè le, née ze kɔn ma bà kuunanyo yã kè má diennɛɛoro,
mé kpata bɔ n ɔzĩ mà n zɔbleri ke ka n gēe ũ. Mɔde n de Dauda
yãnzɛ mé ke le n gurɔɔaro, n nén mé kene. Baa kɔn beeeo mé
kpata bɔ à ɔzĩ mámmamlo. Bori leo doon mé to n né pìne ma
zɔbleri Dauda kɔn Yerusalemu kè má sè ma pó ũuo yãnzɛ.